

आकाशवाणी

खबरां -----

1. अंतरराष्ट्रीय अंतरिक्ष मिशन दे इक्क हिस्से दे तौरा पर भारत इक्क बारी फी अंतरिक्ष च इतिहास बनाने दी बतै पर, भारतीय अंतरिक्ष यात्री अगले म्हीने अंतरराष्ट्रीय अंतरिक्ष स्टेशन लेई दुआरी भरडन।
2. प्रधानमंत्री नरेंद्र मोदी होरें Elem Musk हुन्दे कन्नै गल्लबात कीती, टेकनालजी ते नमियें काड्डें च सांझ-भ्याली पर चर्चा कीती गई।
3. केंद्र नै गड्डियें दी गति मापने लेई इस्तेमाल कीते जाने आहले Radar उपकरणें लेई नमें नियम अधिसूचित कीते।
4. पिछले 10 बरें च इलेक्ट्रानिक्स विनिर्माण च 5 गुणा बाद्दा होआ, आखेआ केंद्री मंत्री अश्विनी वैष्णव होरें।
5. केंद्र नै बक्ख-बक्ख मंत्रालयें ते विभागें च सचिवें दी नियुक्ति कीती।
6. ते आई.पी.एल टी-20 क्रिकेट च रॉयल चैलेंजर्स बेंगलुरु दा मकाबला अज्ज संझा लै एम. चिन्नास्वामी स्टेडियम च पंजाब किंग्स कन्नै होग।

<><><><><><>

India-Space Mission

भारत अपनी अंतरिक्ष दी यात्रा च इक्क बारी परतियें इतिहास रचने लेई तैयार होई गेआ ऐ। अंतरराष्ट्रीय अंतरिक्ष मिशन दे हिस्से दे तौरा पर इक्क भारतीय अंतरिक्ष यान अगले

म्हीने अंतरराष्ट्रीय स्पेस स्टेशन लेई डोआरी भरोग। भारती वायु सेना दे ग्रुप कैप्टन शुभांशु शुक्ला होर स्पेस-एक्स कन्ने चला करदे नमें मिशन दा हिस्सा होंगन। अंतरिक्ष ते परमाणु उर्जा सरबंधी राज्यमंत्री डॉ. जितेंद्र सिंह होरें एहदे बारै घोषणा कीती ऐ। उनें आखेआ जे भारत इस मिशन राएं अपनी अंतरिक्ष दी यात्रा च इक निर्णायक अध्याय लिखने लेई तैयार ऐ। अंतरिक्ष दी खोज सरबंधी भारतीय संगठन इसरो दी भविष्य की मुख योजनाएं दा जायजा लैने लेई नमीं दिल्ली च लग्गी दी इक उच्च स्तरै दी मीटिंग मगरा डॉ. सिंह होरें आखेआ जे मुख्य अपने अगले अंतरिक्ष संगेमील गी हासल करने लेई तैयार ऐ।

<><><><><><>

PM-Musk

प्रधानमंत्री नरेंद्र मोदी होरें अज्ज टेस्ला दे सी.ई.ओ एलन मस्क हुंदे कन्ने टेकनालजी ते नमीं काड्डें दे क्षेत्र च साथ-सहयोग बारै गल्लबात कीती। इक्क सोशल मीडिया पोस्ट च श्री मोदी होरें आखेआ जे श्री मस्क हुंदे कन्ने बक्ख-बक्ख मुद्दे पर होई दी गल्लबात च इस बरे दी शुरुआत च वाशिंगटन डीसी च उन्दे कन्ने कीती गेदी चर्चा दे विषय बी शामिल हे। श्री मोदी होरें टेकनालजी ते नमीं काड्डें दे क्षेत्र च अमरीका कन्ने सांझ भ्याली गी अग्गे बदाने दे भारत दे धेड़यै दी पुष्टि कीती।

<><><><><><>

JEE-Main Result

2025 बरे दा सांझा प्रवेश म्तेहान जेईई मेन दे नतीजे कल्ल घोषित कीते जाडन। म्तेहानें सरबंधी राश्ट्रीय एजेंसी नै इक्क बयान च आखेआ ऐ जे जे.ई.ई मेन 2025 दुए सत्र दा फाइनल आनसर दी अज्ज दपैहरी दो बजे कोला लेइयै जे.ई.ई मेन दी वेबसाइट पर उपलब्ध होई जाग।

<><><><><><>

Good-Friday

मुखै दे बक्ख-बक्ख हिस्सें च अज्ज गुड फ्राइडे मनाया गेआ। दुनिया भरै दे इसाई समुदाय दे लोक अज्ज गुड फ्राइडे मना करदे न। एह इसाई कलंडर च सब्बनें कोला पवित्र ध्याड़े चा इक्क ऐ। कैल्वरी च ईसा मसीह होरेंगी सूली पर चाढ़ने ते उंदी मौत दे चेतें च मनाया जाने आहला गुड फ्राइडे शोक, आत्मचिंतन ते आध्यात्मक भक्ति दा ध्याड़ा ऐ। मुख्य भरै दे गिरजाघरें च खास प्रार्थनाएं दा सरिस्ता कीता गेआ। प्रधानमंत्री नरेंद्र मोदी होरें गुड फ्राइडे दे मौके पर शुभकामनां दितियां न। इक सोशल मीडिया पोस्ट च मोदी होरें ईसा मसीह हुंदे बलिदान गी चेतता कीता। उनें आखेआ जे एह ध्याड़ा असेंगी दया, करुणा ते म्हेशा बड्डे दिल आहला बनने दी प्रेरणा दिंदा ऐ।

<><><><><><>

World Heritage

अज्ज विश्व विरासत ध्याड़ा ऐ। इसी अंतरराश्ट्रीय स्मारक ते धरोहर स्थल ध्याड़ा बी आखेआ जंदा ऐ। इस बरे दा विशे विरासत स्थलें पर आपदा ते संघर्ष दा सैंकट रक्खेआ

गेआ ऐ। एह् ध्याड़ा सांस्कृतिक ते प्राकृतिक धरोहरें दे सम्मान ते संरक्षण लेई फी बरे
18 अप्रैल गी मनाया जंदा ऐ।

<><><><><><><><>

Radar Speed

केंद्र नै विधिक माप विज्ञान (सामान्य) नियम 2011 तैहत गड़डियें दी गति मापने लेई
इस्तेमाल कीते जाने आहले Radar उपकरणें लेई नमें नियम अधिसूचित कीते न।
उपभोक्ता कार्य खाद्य ते सार्वजनिक बंड मंत्रालय नै अज्ज इक्क बयान च आखेआ जे
शिड़क सुरक्षा ते यातायात प्रवर्तन च निष्पक्षता गी बढ़ावा देने दे मकसद नै एह् नियम
पैहली जुलाई थमां प्रभावी होंगन। नियमें तैहत सब्बै रोड आधारित गति मापने आहले
उपकरणें गी विधिक माप विज्ञान अधिकारियें आसेआ सत्यापित ते मुहर लाई जानी
लोड़चदी ऐ। मंत्रालय नै आखेआ जे सत्यापित रोड उपकरण सटीकता, विधिक अनुपालन
ते निरपक्ख प्रवर्तन यकीनी करोग।

<><><><><><><><>

Electronics and IT Minister

इलेक्ट्रानिक्स ते आई.टी मंत्री अश्विनी वैष्णव होंरें आखेआ जे पिछले 10 बरें च
इलेक्ट्रानिक विनिर्माण च 5 गुणा बाद्दा होआ ऐ। अज्ज गुड़गांव दे मानेसर च
संवाददाताएं कन्नै गल्लबात च श्री वैष्णव होंरें आखेआ जे मेक इन इंडिया पैहल करी
इलेक्ट्रानिक्स विनिर्माण क्षेत्र च बाद्दा होआ ऐ। उनें आखेआ जे पिछले 10 बरे च

इलेक्ट्रानिक्स निर्यात बी 6 गुणा बढ़ियै 3 लख 25 जहार करोड़ रपे गी पार करी गेआ ऐ।

<><><><><><><><>

PM-Gita

श्रीमद्भागवदगीता ते भारत मुनि हुंदे नाटयशास्त्र गी यूनेस्को दे मेमोरी ऑफ दा वर्ल्ड रजिस्टर च शामिल कीते जाने पर प्रधानमंत्री नरेंद्र मोदी होरें सराहना कीती। इक सोशल मीडिया पोस्ट च श्री मोदी होरें आखेआ जे इस कन्नै भारत दे कालातीत ज्ञान ते समृद्ध संस्कृति गी वैश्विक मानता थहोई ऐ। उनें आखेआ जे गीता ते नाटयशास्त्र दौनै सदियें थमां सभ्यता ते चेतना गी पोषित कीता ऐ ते इस कन्नै हासल अंतरदृष्टि दुनिया गी प्रेरित करदी ऐ।

<><><><><><><><>

Chhatisgarh-Maoists

छत्तीसगढ़ दे सुकमा जिले च अज्ज 9 महिलाएं सने 22 माओवादिएं आत्मसमर्पण कीता ऐ। इन्दे पर कुल 40 लख 50 जहार रपे दा ईनाम घोषित हा। माओवादिएं पुलस ते सीआरपीएफ दे वरिष्ठ अधिकारियें अगगै आत्मसमर्पण कीता। सब्बै माओवादियें गी राज्य सरकार दी पुनर्वास नीति तैहत 50-50 जहार रपे दी प्रोत्साहन रकम दिती गेई ऐ। एहदे अलावा इनेंगी होर सुविधां गी दित्तियां जांगन।

<><><><><><><><>

Centre-Sattelite Based Tolling

सरकार नै अज्ज साफ कीता ऐ जे उपग्रह आधारित टोल शुल्क प्रणाली पैहली मई थमां शुरू करने दे बारे च कोई फैसला नेई लैता गेआ ऐ। इस कन्नै जुड़ी दी मीडिया खबरें दा खंडन करदे होई शिड़क यातायात ते जरनैली शिड़क मंत्रालय नै आखेआ जे नां ते मंत्रालय ते नां गै भारतीय राश्ट्री जरनैली शिड़क प्राधिकरण नै इत सरबंथै च कोई फैसला लैता ऐ। मंत्रालय नै आखेआ जे टोल प्लाजा राहें विजन कुसै दिक्कत-परेशानी दे गड़डियें दी आओजाई यकीनी करने ते यात्रा समें गी घट्ट करने लेई चुने गेदे टोल प्लाजा पर फास्ट टैग आधारित बिजन मुश्कल स्वचालित नंबर प्लेट पंछान टोल प्रणाली लागू कीती जाग। इस प्रणाली च स्वचालित नंबर प्लेट पंछान तकनीक ते मौजूदा फास्ट टैग प्रणाली गी आपूं च जोड़ेआ जाग। इस तैहत गड़डियें गी टोल प्लाजा पर रूकने दी जरूरत नेई होग। उच्च क्षमता आहले ए.एन.पी.आर कैमरें ते फास्ट टैग रीडर्स राहें पंछान दे अधार पर टोल शुल्क लैता जाग।

<><><><><><>

Zambia M-Pox

Zambia च Monkey Pox कन्नै सरबंथत मामलें दी गिनतरी 49 होई गई ऐ। Muchinga खिते दे मंपिका जिले च कल इक 10 बरे दी बरेसू दे बच्चे दी इस बमारी कन्नै मौत होई गई। पिछले बरे अक्टूबर म्हीने च मंकी पाक्स कन्नै सरबंथत पैहला मामला सामने औने दे बाद देश च इस बमारी कन्नै पैहली मौत पिछले म्हीने होई ही। स्वास्थ्य मंत्री एलिजा मुचिमा होरें आखेआ जे 2 अप्रैल शा 15 अप्रैल बश्कार देश च इस बमारी दे 13

नमं मामले सामने आए न। इस रोग कन्नै संक्रमित लोकें दी कुल गिनतरी 49 होई गई ऐ। देश दे 10 खितें च हुनै तोड़ी 6 मामले दर्ज कीते गेन।

<><><><><><><><>

Secreatry-Apponntment

केंद्र नै अज्ज बक्ख-बक्ख मंत्रालयें ते विभागें दे सचिवें दी नियुक्ति कीती ऐ। अरविंद श्रीवास्तव गी वित्त मंत्रालय च राजस्व विभाग दा सचिव नियुक्त कीता गेआ ऐ। ओह वर्तमान च प्रधानमंत्री कार्यालय च अतिरिक्त सचिव दे ओहदे पर कम्म करा रदे न। रक्षा मंत्रालय च महानिदेशक दे ओहदे पर कम्म करा रदे समीर कुमार सिन्हा होरेंगी नागरिक उड्डयन दा सचिव नियुक्त कीता गेआ ऐ। विदेश बपार दे महानिदेशक दे पद पर कार्यरत संतोष कुमार सारंगी गी नवीन ते नवीकरणीय उर्जा मंत्रालय च सचिव नियुक्त कीता गेआ ऐ। निकुंज बिहारी धल गी संसदीय कार्य मंत्रालय दा सचिव नियुक्त कीता गेआ ऐ।

<><><><><><><><>

India-Bangladesh

भारत नै पच्छिम बंगाल दे घटनाक्रम पर बांगलादेश दे अधिकारियें दी टिप्पणियें गी खारिज कीता ऐ। विदेश मंत्रालय दे प्रवक्ता रणधीर जायसवाल होरें आखेआ जे नेही टिप्पिण्यां बांगलादेश च अल्पसंख्यकें दे उत्पीड़न पर भारत दी चैंताएं दे मताबक अभिव्यक्ति दा इक कपटपूर्ण प्रयास ऐ।

<><><><><><><><>

IPL

आई.पी.एल क्रिकेट च अज्ज शामी रॉयल चैलेंजर्स बेंगलुरु दा मुकाबला पंजाब किंग्स कन्नै एम. चिन्नास्वामी स्टेडियम बेंगलुरु च होग। मैच साड्डे 7 बजे शुरू होग। जंदी रातीं मुम्बई इंडियन्स नै सनराइजर्स हैदराबाद गी 4 विकटें कन्नै मुम्बई दे वानखडे स्टेडियम च शिकस्त दिती ही।

<><><><><><>

ISSF-Shooting

पेरू च आई.एस.एस.एफ विश्व कप च कल भारती नशानेबाजें दी 50 मीटर रफल 3 पोजीशन ते स्किट मकाबलें च तगमा जितने दी मेद खत्म होई गई ऐ। महिलाएं दी 50 मीटर रफल 3 पोजीशन च श्रीयंका सदांगी इकली भारती फाइनलिस्ट रेइयां। ब्यूनस आयर्स च पिछले हफ्ते सुन्ने दा तगमा जितने आहली सिफत कौर समरा होर बी फाइनल लेई क्वालीफाई करने च कामयाब नेई रेइयां। पुरूषें दे मकाबले च ऐश्वर्य प्रताप सिंह तोम, नीरज कुमार ते चेन सिंह क्वालीफिकेशन च 18में थमां 20मीं थाहर पर रेह। स्किट च रैयजा षिल्लों, महिलाएं ते फाइनल च 5मीं थाहर पर रेई। अनंतजीत सिंह नरूका पुरूषें दी स्किट क्वालीफिकेशन च 120मीं थाहर पर रेह।

<><><><><><>

CM-Book

मुखमंत्री उमर अब्दुल्ला होरें नौजवान पीढ़ी गी पढ़ने दी आदत पाने दी अपील कीती ऐ। उनें आखेआ जे एहदे कन्नै ना छड़ा उन्दे दृष्टिकोण गी विस्तार थहोग, सगुआं एहदे कन्नै उभरा करदे लखारियें दा दिल बी बदोग। मुखमंत्री होर कल जम्मू च इक्क

प्रोग्राम दौरान इक्क किताब दे विमोचन समारोह च बोला करदे हे। इस कताब दा सिरे लेख हा दा लैंड ऑफ सायल्स इक्क जोखिम आहली खोज दी कहानी। इस कताब दियां लखारी न 15एं बरें दी बरेसू दियां Laranya R. Kumar । मुखमंत्री होरें इस मौके पर Laranya होरेंगी बड़ी घट्ट बरेसू च एह उपलब्धि हासल करने पर ममारखां दितिया।। मुखमंत्री होरें आखेआ जे Laranya होरें ना छड़ा संभावनाएं गी कल्पना करने दी हिम्मत कीती, सगुआं उनें इसी इक्क समोहक कहानी च बदली दित्ता।

<><><><><><>